

### Ministarstvo komunalne privrede i infrastrukture

Na osnovu člana 70. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), a u vezi sa članom 7. Zakona o izmjenama i dopunama Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 08/15), ministar komunalne privrede i infrastrukture donosi

#### ODLUKU

### O PREUZIMANJU PRAVA I OBAVEZA IZ OBLASTI KOMUNALNE DJELATNOSTI I PRAVA I OBAVEZA STVORENIH OBAVLJANJEM POSLOVA SAMOSTALNIH IZVRŠILACA MINISTARSTVA PROSTORNOG UREĐENJA I ZAŠTITE OKOLIŠA KANTONA SARAJEVO

#### I

Ovom odlukom, a u vezi Zakona o izmjenama i dopunama Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 08/15), Ministarstvo komunalne privrede i infrastrukture preuzima prava i obaveze iz oblasti komunalne djelatnosti, te prava i obaveze stvorene obavljanjem poslova samostalnih izvršilaca Ministarstva prostornog uređenja i zaštite okoliša Kantona Sarajevo.

#### II

Ministarstvo komunalne privrede i infrastrukture počelo je sa radom 23.03.2015. godine, kao novo ministarstvo, te mu je potrebno dati novi poreski broj radi mogućnosti rada i obavljanja poslova iz nadležnosti koje mu pripadaju.

#### III

Za realizaciju ove odluke zadužuju se Ministarstvo komunalne privrede i infrastrukture i Stručna služba za zajedničke poslove Kantona Sarajevo.

#### IV

Ova Odluka stupa na snagu danom donošenja i bit će objavljena u "Službenim novinama Kantona Sarajevo".

Broj 27-05-5990/15  
07. aprila 2015. godine  
Sarajevo

Ministar  
**Senad Hasanspahić, s. r.**

### Ministarstvo za boračka pitanja

Na osnovu člana 62. stav 2. Zakona o dopunskim pravima boraca - branitelja Bosne i Hercegovine ("Službene novine Kantona Sarajevo", br. 45/12 - Prečišćeni tekst i 26/14), ministar za boračka pitanja donosi

#### PRAVILNIK

### O IZMJENAMA I DOPUNAMA PRAVILNIKA ZA UTVRĐIVANJE PRAVA NA DODJELU JEDNOKRATNE NOVČANE POMOĆI I PRAVA NA OBEZBJEĐENJE OGRJEVA

#### Član 1.

U Pravilniku za utvrđivanje prava na dodjelu jednokratne novčane pomoći i prava na obezbjeđenje ogrjeva ("Službene novine Kantona Sarajevo", br. 30/09 - Prečišćeni tekst, 7/11 i 30/13) u članu 22. stav 1. mijenja se i glasi:

"Posebni uvjeti za ostvarivanje prava na jednokratnu novčanu pomoć za rješavanje drugih socijalnih potreba, po ukazanoj potrebi može se dodjeljivati licima iz čl. 1. i 2. Zakona o dopunskim pravima boraca-branitelja Bosne i Hercegovine

("Službene novine Kantona Sarajevo", broj 45/12 - Prečišćen tekst i 26/14) i članovima njihovog porodičnog domaćinstva, koji se nalaze u stanju socijalne potrebe, teže bolesti, elementarne nepogode i ostalih slučajeva teških socijalno-ekonomskih situacija koji mogu dovesti do ugrožavanja osnovnih životnih potreba i u drugim sličnim urgentnim slučajevima."

Dosadašnji stav 2. ovog člana, briše se.

Stav 3. ovog člana postaje stav 2., a riječi: "a što će u svakom pojedinačnom slučaju cijeliti ministar na prijedlog pomoćnika ministra", i riječi: "i 2.", brišu se.

U ovom članu dodaje se novi stav 3. koji glasi:

"Za potrebe odlučivanja o dodjeli jednokratne novčane pomoći, ministar formira Komisiju, čiji zadatak je da ocijeni da li podnosilac zahtjeva ispunjava uslove iz propisanih kriterija za dodjelu ove vrste pomoći, te da predloži ministru, visinu iznosa jednokratne novčane pomoći uz obrazloženje takvog prijedloga."

#### Član 2.

Član 23. mijenja se i glasi:

"Jednokratna novčana pomoć može se dodijeliti licima u skladu sa ovim Pravilnikom koji imaju prebivalište ili boravište na području Kantona Sarajevo neprekidno od 06.02.1999. godine koji zbog trenutnih okolnosti (npr. bolest, smrt člana porodice, dugotrajno liječenje, nabavka skupih lijekova, elementarne nepogode ili druge životne nevolje), a koji prema ocjeni Stručne službe ispunjavaju sve uvjete iz Zakona o dopunskim pravima boraca-branitelja Bosne i Hercegovine ("Službene novine Kantona Sarajevo", broj 45/12 - Prečišćen tekst i 26/14) i ovog Pravilnika.

Stručna služba nakon ocjene da su ispunjeni uvjeti i stava 1. ovog člana predmet upućuje Komisiji za dodjelu jednokratnih novčanih pomoći, koju imenuje ministar, a koja u svakom konkretnom slučaju cijeni potrebu za dodjelom ove vrste pomoći i daje prijedlog ministru o visini iznosa jednokratnih novčanih pomoći uz obrazloženje svog prijedloga.

Kriteriji za ostvarivanje prava na dodjelu jednokratne novčane pomoći su prvenstveno:

- a) teže bolesti lica iz ovog Pravilnika i teže bolesti članova porodice koji žive u zajedničkom domaćinstvu
- b) elementarne nepogode (požar, poplava, potres, udar groma i sl.)
- c) ostali slučajevi teških socijalno-ekonomskih situacija koje ugrožavaju osnovne životne potrebe.

Razrada kriterija iz stava 3. ovog člana po iznosima visine jednokratne novčane pomoći:

- a) teže bolesti lica iz ovog Pravilnika i teže bolesti članova porodice koji žive u zajedničkom domaćinstvu
  1. akutna tuberkuloza do 2.000,00 KM
  2. maligna oboljenja do 5.000,00 KM
  3. endemska nefropatija do 5.000,00 KM
  4. stanje poslije hirurškog zahvata srca do 1.500,00 KM
  5. sva degenerativna oboljenja centralnog nervnog sistema do 1.000,00 KM
  6. infarkt (moždani, srčani) do 2.000,00 KM
  7. oboljenje mišićnog sistema i paralize do 1.000,00 KM
  8. ostale bolesti do 500,00 KM;
- b) nabavka skupih lijekova i ortopedskih pomagala do 1.500,00 KM;
- c) elementarne nepogode
  1. požar do 2.000,00 KM
  2. poplava do 2.000,00 KM
  3. potres do 1.000,00 KM
  4. udar groma do 1.000,00 KM
  5. ostale prirodne nepogode do 500,00 KM.
- d) ostali slučajevi teških socijalno-ekonomskih situacija (nezaposlenost, teška neimaština i dr.) koje ugrožavaju osnovne životne potrebe do 500,00 KM.

- e) sve navedene slučajeve iz kriterija a), b), c) i d) ukoliko za to postoji posebna potreba, a prema ocjeni Komisije za dodjelu jednokratnih novčanih pomoći, mogu se odobriti i drugi iznosi jednokratnih pomoći sve do propisane maksimalne visine od deset prosječnih plaća.

Prilikom primjene kriterija iz stava 3. i 4. ovog člana uzet će se u obzir sljedeće:

- vrsta, težina konkretnog socijalnog problema i potreba hitnosti njegovog rješavanja;
- radni status i ukupna primanja radno sposobnih članova porodičnog domaćinstva uključujući i primanja po osnovu davanja iz oblasti boračko-invalidske i socijalne zaštite;
- stambena situacija podnosioca zahtjeva;
- broj izdržanih nezaposlenih i bolesnih članova porodičnog domaćinstva;
- težina i vrsta oboljenja;
- vrsta i cijena koštanja liječenja i potrebnih lijekova;
- procjena oštećenja objekta usljed elementarne nepogode izvršena od strane nadležnih institucija;
- drugi faktori koji prema ocjeni Stručne službe i Komisije za dodjelu jednokratnih novčanih pomoći ukazuju na nemogućnost djelimičnog ili cjelovitog zadovoljenja osnovnih životnih potreba".

Član 3.

Član 25. mijenja se i glasi:

"Jednokratna novčana pomoć za rješavanje drugih socijalnih potreba dodjeljuje se prema kriterijima iz člana 23. ovog Pravilnika, a ista se može odobriti maksimalno do visine deset prosječnih plaća."

Član 4.

U članu 27. stav 1., broj: "150,00", zamjenjuje se brojem: "300,00".

Član 5.

U članu 29. stav 1. mijenja se i glasi:

"Visina odobrenog iznosa plaćanja troškova stanarine utvrđuje se prema broju članova porodičnog domaćinstva i to:

- za podnosioca zahtjeva - samac - 200,00 KM mjesečno;
- za podnosioca zahtjeva sa jednim članom porodičnog domaćinstva - 250,00 KM mjesečno;
- za podnosioca zahtjeva sa dva ili više članova porodičnog domaćinstva - 300,00 KM mjesečno."

Član 6.

U članu 32. dodaje se novi stav 3. i glasi:

"Porodice šehida i porodice poginulog, umrlog, nestalog branioca imaju mogućnost ostvariti ovo pravo bez obzira na ukupni prihod po članu domaćinstva, a na prijedlog Komisije za dodjelu jednokratnih novčanih pomoći".

Član 7.

Ovaj Pravilnik stupa na snagu danom donošenja, a objavit će se u "Službenim novinama Kantona Sarajevo".

Broj 06-05-6288/15  
10. aprila 2015. godine  
Sarajevo

Ministar  
**Muharem Fišo, s. r.**

## GRAD SARAJEVO

### Gradsko vijeće

Na osnovu člana 7. Zakona o budžetima u Federaciji Bosne i Hercegovine ("Službene novine Federacije Bosne i Hercegovine", broj 102/13) i člana 26. stav 1. tačka 6. Statuta Grada Sarajeva ("Službene novine Kantona Sarajevo", broj 34/08), Gradsko vijeće Grada Sarajeva, na 24. sjednici održanoj 25.03.2015. godine, donijelo je

### BUDŽET GRADA SARAJEVA ZA 2015. GODINU

#### I - OPĆI DIO

Član 1.

Budžet Grada Sarajeva za 2015. godinu (u daljem tekstu: Budžet) sastoji se od:

OPIS	BILANS PRIHODA I RASHODA	UKUPNO
Ukupna sredstva	12.047.639,00	12.047.639,00
Rashodi/izdaci	12.047.639,00	12.047.639,00
Višak/manjak	-	-

Član 2.

Prihodi i rashodi po grupama utvrđuju se u Bilansu prihoda i rashoda za 2015. godinu, kako slijedi: